



Zarafshon

1913-yil aprel oyidan chiqqa boshlagan

Fidoyilik —  
Vatanga xizmat demak!



2024-yil 15-fevral, payshanba,  
19 (23.896)-son

## Samarqand tumanida TURISTIK ZONA tashkil etilmoxqda



Joriy yilning 2-fevral kuni davlatimiz rahbari tomonidan "Pedagog maqomi to'g'risida"gi Qonun imzolandi. Qonun bilan tanishib, unda biz pedagoglarni o'yantirib kelayotgan ko'plab masalalar yechim topganiga guvoh bo'ldim. Asosiyisi, "...pedagog o'z kasbiy faoliyatiga g'ayriqonuni ravishda aralashuvdan himoyalanishi mumkin"ligi belgilab qo'yildi.

## Vazifamiz bitta – yaxshi ta'lim-tarbiya berish

Shu paytga qadar ta'lim muassasalarida huquqi, sha'nii va qadr-qimmati toptalgan ko'plab o'qituvchilarining ayanchli qismati, nohaq haqorat qilin-gani, ish joyidan bo'shatilgani, hatto do'pposlangani, javobgarlikka tortilganini ko'rildi.

Qonunda pedagogni uning kasbiy majburiyatlariga dahlil bo'limgan ishlarga, shu jumladan, hududni obodonlashtirishga va qishloq xo'jalik ishlariyaliga qilib qaytiqlanshi qayd etilgan. To'g'ri, keyingi yillarda bu borada juda katta ijobiy ishlari amalga oshirildi. O'qituvchilarini paxta terimiga jaib qilmasdan ham hosisini yig'ishtirtil olsa bo'larkan. Ko'cha supirish, turli ha-sharlar ham bugun pedagoglarsiz bajarlyapti. Har bir vazifanining o'z egalari bor, ular zimmasidagi majburiyatni his qilsa, manfaatdorlik bo'lsa, hammasiga ulgurish mumkin. Jumladan, o'qituvchining ham asosiy vazifasi o'quvchi ga ta'lim-tarbiya berish. Bizdan talab qilinadigan shu aslida.

Pedagoglarni ijtimoiy himoya qilishga doir 14-moddada "davlat ta'lim tashkilotlarining pedagoglariga davomiyligi ko'pi bilan 56 kalendar kundan iborat bo'lgan haq to'lanadigan har yilgi uzaytirilgan mehnat ta'ili kafolatlanadi" deb yozilgan. Vaholaniki, shu paytga qadar 48 kunlik mehnat ta'ili olardik. Shunda ham ba'zida turli majburli ishlari sababli ta'tilni ko'ngilli o'tkazolmagan paytlarimiz bo'lgan. Endilikda bunga qonunun chek qo'yildi.

Bundan tashqari qonunda o'qituvchi

huquqlarini himoya qilish, mehnatiga haq to'lash, ijtimoiy himoya qilish, attestatsiyadan o'tkazish va sertifikat berish tizimini takomillashtirish, o'qituvchilarining bilim salohiyatiga qarab oylik mao-shini ko'tarish, maktablar moddiy-tekhnik bazasini yaxshilash, ta'lim muassasasidagi sharoit uchun tuman hokimlari mas'ul etib belgilanishi, pedagoglar saviyasini, dars sifatini yaxshilash uchun zarur vositar bilan ta'minlash, o'qituvchini ortiqcha qog'ozbozidan ozod qilish kabi muhim masalalar aniq belgilab qo'yilgan.

Albatta, huquq va vakolatlarimiz kafolati yaratilishi har bir o'qituvchi va rahbar xodimni ruhlantiradi. Shu bilan birga, zimmmadagi ulkan mas'uliyatni his qilgan holda ishlashimiz, o'quvchilariga mukammal ta'lim-tarbiya berishimizni taqozo etadi. Yashirib nima qilamiz, haligacha kasbdoshlarimiz orasida nomigagina maktabga kelib-ketayotgan, kun o'tsa bo'ldi, qabilida ishlayotganlar ham yo'q emas. Ular bunday munosabat bilan nafaqat o'zlarining obro'siga putur yetkazmoqda, balki "ustoz" degan nomga noloyiq bo'lmoxda, kelajakka xiyonat qilmoqda.

Menimcha, bugun maktab rahbariyati ham, o'qituvchilar ham har o'quv yili oldidan o'z oldilariga yuksak maqsad qo'yib, avvalo, o'quvchilarini bilim, shijoatlari etib tarbiyalash, maktab reytingini oshirishni o'ylashlari, shunga mos harakat qilishlari lozim. Shunda el oldida ham, vijdonimiz oldida ham yuzimiz yorug' bo'ladi.

**Feruza TOG'AYEVA,**  
Samarqand shahar  
81-umumi o'rta ta'lim  
mabkti o'qituvchisi.



# Zarafshon

www.zarnews.uz [@zarnews\\_uz](https://www.facebook.com/zarnews.uz) [https://twitter.com/zarnews\\_uz](https://twitter.com/zarnews_uz)

Viloyatimizda turizmnинг eko hamda ekstremal turlarini rivojlantirish uchun zarur shart-sharoitlar yaratish maqsadida shu yilning 6-fevral kuni davlatimiz rahbari tomonidan "Ohalik – Oqbo'yro – Mironqul" turistik-rekreatsion zonasini faoliyatini tashkil etish chora-tadbirlari to'g'risida" qaror qabul qilindi.

Qarorda bir oy muddatda "Ohalik – Oqbo'yro – Mironqul" turistik rekreatsion zonasini faoliyatini tashkil etish, joriy yilning 1-avgustiga qadar zonating master rejasini ishlab chiqish va talab etiladigan yer maydonlari toifasini o'zgartirish bo'yicha takliflarni humumat komissiyasiga kiritish, zona hududida ichki ishlar boshqarmasining xavfsiz turizmni ta'minlash bo'limini tashkil etish va boshqa vazifalar bo'yicha chora-tadbirlar belgilangan.

Mazkur qaror ijrosini ta'minlash yuzasidan Samarqand tumani hokimligida viloyat hokimi E.Turdimov ishtirokida yig'ilish o'tkazildi.

Yig'ilishda qaror bilan tasdiqlangan turistik zona hududida turizm sohasini kompleks rivojlantirish chora-tadbirlari hamda turistik zona va unga olib boruvchi yo'l-transport, muhandislik-kommunikatsiya va ishlab chiarish infratuzilmasini rivojlantirish dasturini amalga oshirish masalalari muhokama etildi.

– Qarorda joriy yil 1-mayga qadar Ohalik, Oqbo'yro va Muroqulda jami 2545 hektar yer maydonini belgilangan tartibda direksiya hisobiga o'tkazish belgilangan, – dedi

E.Turdimov. – Buning uchun tuman hokimligi tegishli idoralar bilan birga xatlov va o'rganish ishlarini olib borib, o'z takliflarni berishi kerak. Shuningdek, har bir hudud bo'yicha loyihalarni ishlab chiqish va amalga oshirishga kirish lozim. 2024-2026-yillarda zonada infratuzilmani yaxshilash bo'yicha davlat tomonidan zarur chora-tadbirlar ko'riladi. Shu yilning 1-avgustiga qadar turistik zonating bosh rejasiga va batasfil rejorashtirish loyihalari ishlab chiqiladi. Bunda ham barcha taklif va loyihalarni e'tiborga olish lozim. Umuman, mazkur turistik zona Samarqand tumanida turizmni rivojlantirish orqali hudud infratuzilmasini yaxshilash, yangi ish o'rinnari yaratish va aholi turmush darajasini oshirishga xizmat qilishini inobatga olib, uni tez va sifatli amalga oshirishga hududdagi mahallalar dan boshlab hokimlikkacha faol qatnashishi lozim.

Yig'ilishda turistik zonada amalga os-hiriladigan ishlar, rejorashtirilayotgan loyihalar to'g'risida turizm boshqarmasi, tuman hokimligi va boshqa mutasaddilarning taqdimotlari o'tkazildi. Ularni takomillashtirish bo'yicha takliflar bildirildi.

doktori, genmedikal innovatsion molekulyar genetik laboratoriya rahbari Nilufar Xushvaqtova. – Bugunga kelib nogiron bolalar tug'ilishining oldini olishga qaratilgan genetik-molekulyar laboratoriya o'zimizda ochildi. Ushbu laboratoriya genofondimizi sog'omlashtirishga katta hissa qo'shadi. Genetik kasalliklarga tashxis qo'yish uchun endiliikda chet elga borishga hojat yo'q.

Homilarda va bolalarda xromosom sindromlarga tashxis qo'yishda tsitogenetik va molekulyar-genetik texnologiyalarni joriy etish va bolalar-da 1rsiy kasalliklarga barvaqt tashxis qo'yish usullarini takomillashtirish uchun Innovatsion rivojlanish vazirligi tomonidan startap loyiha ishga tushirilib, Urgut tuman innovatsion hududida 2022-yil 1rsiy kasalliklarni erta aniqlash uchun molekulyar-genetikaga asoslangan zamonalovi innovatsion laboratoriya tashkillashtirildi.

Genetik skrining tekshiruvdan o'tish istagidagi har bir fuqaro tekshiruvlardan o'tib, o'zlarida biror bir gen tashuvchiligi bor yoki yo'qligini aniqlashi mumkin.

Anjuman olimalarining bahs-munozaralari, ilmiy yan-giliklar bilan tanishtiruv, yosh olimalarining ilmiy izlanishlari tahlili bilan qizg'in o'toli.

**Dilafro'z SUYUNOV,**  
O'zMU talabasi.

## Ilmlı ayol – jamiat ko'zgusi

11-fevral – Ilm-fan sohasidagi ayollar va qizlar kuni munosabati bilan mamlakatimizda "Ilmlı ayol – jamiat ko'zgusi" shiori ostida ma'rifiy anjumanlar haftaligiga start berilgan edi. Viloyatimizdagi ta'lim muassasalarida ham haftalik doirasida uchrashuvlar, davra suhabatlari o'tkazilmoqda. Samarqand davlat tibbiyot universitetidagi anjumanda universitet olimlari, talaba yoshlar, jamoatchilik vakillari ishtirok etdi.

– Universitetimizda faoliyat ko'rsatayotgan professor-o'qituvchilarining 50 foizini xotin-qizlar tashkil etadi, - deydi universitet xotin-qizlar maslahat kengashi raisi Gavhar Xudoyberdiyeva. – Ikki nafr prorektor, bir nafr dekan o'rinbosari, 36 nafr kafedra mudirlari, o'n nafr bo'lim boshlig'i ayollar. Ilmiy izlanishlarining xotin-qizlar safi ham kundan-kunga kengaymoqda. 47 nafr fan doktori, 164 nafr fan nomzodi, 52 nafr dotsen, 16 nafr professor samarali faoliyat ko'rsatmoqda. Olimalarining ilmiy izlanishlari hayotga tabbiq etilib, jamiat hayotining turli sohalarida yangiliklar kiritmoqda.

- Irsiy kasalliklarni erta aniqlash yoki homilador bo'lishdash avval tekshiruvdan o'tish bo'yicha ilmiy izlanishlarni natijalari bugun amaliyotda o'z natijasini berdi, - deydi tibbiyot fanlari

## HASHARGA CHORLAYMIZ!

### Aziz samarqandliklar!

Ozodlik ortida qanday ezgu nati-jalar borligini hammamiz yaxshi bilamiz. "Uyingizni ozoda saqlang, shunda oilan-gizga baraka kiradi", "Tozalik bor joyda fayz-baraka bo'ladi" degan gaplar bejiz paydo bo'limgan.

Viloyatimizning toza-ozodaligini saqlash hamda yanada obod va oras-ta bo'lishini ta'minlash, hududlarimizda keng ko'lami obodonlashtirish ishlarini amalga oshirish maqsadida shu yilning 16-, 24-fevral va 1-mart kunlari Samarqandda ommaviy hashar o'tkazishga chaqiramiz.

Hasharda har bir xonadon va uning atrofida, tomorqalar, ariq bo'yları, ko'chalar,

qabristonlarda bog' va xiyobonlar, maydon-chalarda, idoralar, tashkilotlar, muassasalar, fermer xo'jaliklari hududlarida tozalash, obodonlashtirish ishlarini amalga oshirsak, ariqlarni tartibga keltirsak, chiqindilarni belgilangan joylarga chiqarib tashlasak, nasib etsa, bahorni obod, ko'rkam maskanlarda qarshi olamiz.

Barcha samarqandliklarni, viloyatimiz ahlini ushbu ezgu ish — ommaviy hasharda faol qatnashishga chaqiramiz!

**"Nuroniy" jamg'armasi**  
viloyat bo'limi,  
O'zbekiston mahallalari  
uyushmasi viloyat boshqarmasi,  
Yoshlar ishlari agentligi  
viloyat boshqarmasi.

**KUN  
HIKMATI**

Haqiqiy dehqon  
uchun har  
qanday ob-havo  
sharoitida ham  
yumush yetarli

**BIR  
JUMLADA**

Bulung'ur tumani "Zarafshon" agrofir-masi hududidagi 2000 getkarta yaqin lalmikor maydonni sug'orish uchun "Farmontepa" nasos stansiyasini qurish ishlari boshlandi.

**Ishtixon tu-  
manining Qo'ng'irot  
hamda Qirqiyigit mahal-  
lalarida olibav shifokor-  
lik punktlari foydala-  
nishga topshirildi.**

**Kattaqo'rg'on  
tumani Navbahor ma-  
hallasida yashovchi fuqa-  
ro A.T. o'ziga tegishli  
umumiyoq qatnashish  
os-hxonasi tabib gazdan  
noqonuny foydalanib,  
tarmoqqa 58 million  
so'mlik zarar yetkazgani  
aniqlandi.**

**Qo'shrabot  
tumani ekologiya,  
atrof-muhitni muhofaza  
qilish va iqlim o'zga-  
rishi bo'limi xodimlari  
tomonidan Do'stlik  
mahallasi hududidagi  
bo'sh maydonlarga  
600 tupdan ziyyod man-  
zarali daraxt ko'chatlari  
ekildi.**

**Narpay tu-  
mani iste'molchilar  
huquqlarini himoya  
qilish jamiyati xod-  
imlari "Oqtosh farm  
shifo nur", "Pul farm"  
va "Narpay Nargiza  
farm" xususiy kor-  
xonalariga tegishli  
dorixonalarda muddati  
o'tgan dori-darmonlar,  
Barkamol, Narpay va  
Islamshoir mahallalari  
hududidagi oziq-ovqat  
do'konlarida iste'mol-  
ga yaroqsiz mahsu-  
lotlar sotilayotganini  
aniqladi.**

**Payariq tu-  
manining Qumchua  
mahallasi hududidan  
o'tuvchi avtomobil yo'li-  
da tezlikni qayd etuvchi  
moslama o'rnataldi.**

**Paxtachi tumani**  
"Inson" ijtimoiy xiz-  
matlar markazi xodim-  
lariga ijtimoiy himoya  
milliy agentligi viloyat  
boshqarmasi tomoni-  
dan planshetlar top-  
shirildi.

**Samarqand  
tumani adliya bo'limi  
tomonidan Qavchi-  
nonibolo mahallasi-  
da kutubxona tashkil  
qilindi.**

**Urgut tumani**  
Binor mahallasida  
"Nisbot mevali agro"  
mas'uliysi cheklangan  
jamiyati tomonidan 50  
o'rinli mehmonxonalar  
foydalanishga top-  
shirildi.



# Bugungi Bulung'ur kechagi emas

Bulung'ur tumani haqida gap ketganda, ko'pchilikning xayolidan lalmi yerdagi uzumzoru bog'lar, siyrak-siyarak joylashgan darvozasiz uylar hamda ulardagi dilkash va samimiy insonlar o'tadi. Biroq bugungi Bulung'ur kechagisidan farq qiladi. Rivojanayotgan infratuzilma, zamonaviy inshootlar, katta rejalar. Bular tuman hokimligi tashabbusi bilan hududga tashkil etilgan press-turdagi taassuratimizning bir qismi, xolos.

## SPORTCHI YOSHLARNI

### RAG'BATLANTIRADIGAN MURABBIYLAR

Birinchi manzil uch karra olimpiada ishtirokchisi Mo'minjon Adbullayev, futzal bo'yicha O'zbekiston yoshlar terma jamoasi murabbiyi Shuhrat Tojiboyev, Osyo championlari Sitora Turdibekova, Sanjar Mo'xtorov singari kuchli sportchilar tarbiyalangan tunman bolalar-o'smirlar sport maktabi bo'ldi. O'tgan yili maktab davlat budjetidan ajratilgan 3 milliard so'm mablag' evaziga qurilgan yangi binoda ish boshlagan. Unda sport murabbiyalarining faoliyati hamda sportchilar uchun barcha sharoit yaratilgan.

Maktabimiz yunon-rum va milliy kurashga ixtisoslashgan, - deydi maktab direktori Sharof Mamatqulov. - Bundan tashqari, unda yana 15 sport turi bo'yicha mashg'ulotlar olib borildi. Shundan 13 tasi olimpiya sport turlari hisoblanadi. Ularga jami 1243 nafer yoshlar qamrab olingen va bu raqam kun sayin ortib bormoqda.

Maktab faoliyatini o'rganish chog'ida unda yo'iga qo'yilgan o'ziga xos tajriba e'tiborimizni tortdi. Gap shundaki, agar sportchi milliy va xalqaro musobaqlarda yaxshi natija ko'rsatsa, qonunchilikka ko'ra, u mashg'ulot o'tayotgan maktabning murabbiylari oyligiga ustama qo'shiladi. Biroq bu maktabda murabbiyalar o'zaro kelishib, o'sha pulni sportchining ota-onasiga topshirar ekan.

- Tumanimizda iqtidorli yoshlar ko'p, - deya holatga izoh berdi Sh.Mamatqulov. - Ammo ularni mashg'ulotlarga jalb qilishda qiyinchiliklar bo'laadi. Yashirib nima qilamiz, ba'zi ota-onalar bolasini sportga berishdan ko'ra pul keltiradigan sohalardan o'qitish, ishlashishni o'yaydi. Biz bu dunyoqarashni o'zgartirishimiz kerak. O'z yonimizdan qilayotgan moddiy rag'batimiz ota-onalarda farzandiga nisbatan ishonch, yoshlarda esa ruhanish tuyg'ularini uyg'otadi. Qolaversa, bu yo'li bilan sharoiti o'g'ir oilalarga farzandining sport mashg'uloti uchun zarur anjomlarini xarid qilishiga ko'mak bergen bo'lamicha.

Maktab hovlisida mini-futbol uchun maydoncha, shaxmat va shashka uchun pavilon qurilmoqda.

Mas'ullarning aytishicha, tegishli dasturga ko'ra bu kompleks maktabga tutash hududdagi 11-madaniyat uyi hamda bog'ga qo'shiladi. Ya'ni, ma'naviy hordiq chiqarmoqchi bo'lgan fuqarolar bog'ni aylanish barabarida maktab hududiga kirib, sport bilan shug'ullanishi, aqli va jismini chiniqtrishi mumkin bo'ladi. Hozir ham maktab hududidagi workout maydonchasi yaqin atrofdagi nuroniy onaxonlarning sevimli mashg'ulot joyi hisoblanarka.

**HOMIY 4 MILLIARD SO'MGA MAKTAB QURDI**  
Chorbog' mahallasi 2022-yilda "Obod mahalla" dasturiga kiritilgan. Natijada tuproq ko'chalar asfalt bo'ldi, eski binolar o'rniда yangilar qad rostladi. Ammo hududda maktab yo'qligi qator mushkulotlarni keltirib chiqarayotgan edi.

— Shu vaqtgacha o'quvchilarimiz qo'shni mahallalardagi 72, 13, 11, 68 va 67-umumta'lim maktablariga qatnash kelgan, - deydi mahalla raisi Abdusalam Hasanova. — Hududimiz katta bo'lsa-da, ko'chamizda jamoat transporti qatnamaydi. Shu bois ba'zi o'quvchilar maktabga borish uchun 5-6 kilometr yo'lini piyoda bosib o'tardi. Yaxshi insonlar ko'p ekan. Bir homiyligida 4 million so'mga yangi maktab qurib berdi. Bundan juda xursandmiz.

O'tgan yilning dekabr oyida ishga tushgan 72-umumta'lim maktabidagi sharoitlar bilan tanishdik. Sinfxonalar yorug' va issiq, kerakli hijozlar bilan ta'minlangan. Asosiy, o'qituvchilar va o'quvchilar bugungi sharoitlardan mammun.

— Maktabimiz 240 o'ringa mo'ljalangan bo'lib, hozir 331 nafar o'quvchi ikki navbatda o'qitilmoqda, - deydi maktab direktori Bektosh Qurbonov. — Ishni boshlashdan oldin kadrlar masalasiga alohida e'tibor qaratdik. Bu yerda o'z kasbini yaxshi ko'radigan, asosan yosh va g'ayratli o'qituvchilar mehnat qilmoqda. Ta'lim sifatini oshirish maqsadida viloyatimizning ilg'or maktablariga borib, tajriba o'rganib kelyapmiz.

Ayni kunda tumanda 70 ta umumta'lim maktabi, 31 ta maktabgacha ta'lim tashkiloti hamda "Barkamol avlod" bolalar maktabi bo'lib, ularda 39 ming nafarga avlod" bolalar maktabi bo'lib, ularda 39 ming nafarga

yaqin bolajon ta'lrim va tarbiya olmoqda.

Press-tu doirasida biz tumanning eng olis mahallasi, Jizzax viloyati bilan chegaradosh bo'lgan Oq-toshda bo'lib, 5 milliard so'm budget mablag'i hisobiga qurilgan zamonaviy davlat maktabgacha ta'lum tashkiloti faoliyati bilan ham tanishdik.

## MILLIY QADRIYATLAR UNUTILMAYDI

Bulung'ur tumani o'zining baxshichilik maktabi bilan ham mashhur. Mazkur maktabning eng yirik va kili, o'zbek xalq shoiri Fozil Yo'ldosh o'g'li nomi bilan ataluvchi mahallada bo'ldik. Bir vaqtlar baxshining hayoti va faoliyatiga oid ma'lumotlar faqat uy-muzevida saqlangan bo'lsa, bugun mazkur mahallada Fozil Yo'ldosh yodgorlik muzeysi faoliyat yuritmoqda. Unda viloyatimiz baxshichilik tarixiga oid 500 dan ziyod eksponat saqlanadi.

Muzeyning yonginasida joylashgan 12-Sohibkor madaniyat markazi filialida esa mazkur ulug'vor tarixning davomchilar, yosh baxshi va shoirlar, folklor ansambliga zolari tayyorlanayotgan ekan. 1963-yilda qurilgan bino o'tgan yili ta'mirlanib, zarur texnik vositalar bilan ta'minlangan. Unda folklor, dutorlik, drama, raqs singari qator to'garaklarga 100 nafarga yaqin iqtidori yoshlar jalb qilingan.

— Tarixini o'rganmagan, bilmagan avlodda

Vatanga muhabbat tuyg'usi shakllanmaydi, - deydi filial mudiri Mahmud Ermatov. — Biz ayni rishtani saqlab qolish uchun milliy san'atimiz, qadriyat va an'analarimizni qayta tiklashga hamda keng ja-moatlichkeitka yetkazishga bel bog'laganimiz. Misol uchun, tumanimiz faxri hisoblangan "Chavqi" folklor-etnografik xalq ansamblini nafaqat respublika, balki xorjaviy davlatlarda ham mashhur hisoblanadi. Bugun ular o'z repertuariда 20 dan ortiq badiy kompozitsiya, 250 dan ortiq xalq termalari va laparlaridan foydalananadi. Va biz bu xazinani yanada boyitish ustida ishlayapmiz. Qolaversa, yoshlar ham harakatdan chetda qolmagan. Ular ishtirokidagi "Chavqi" izdoshlari ansamblini respublika tanlovlariда g'oliblikni qo'lga kiritmoqda.

Tumanda yangiliklar ko'p. Asosiy, bu yangiliklar zamirida bulung'urliklarning zamon bilan bo'yashish maqsadi yotibdi. Ular bir joyda to'xtab qolgan yo'q, davlat qilib beradi, deb kutib o'tirgan ham emas. Har bir imkoniyatdan unumli foydalinishga, yo'qui bor, kamni ko'p qilishga harakat qilishmoqda.

Asqar BAROTOV.

Sharof Rashidov nomidagi Samarqand davlat universitetining umumiy fizika kafedrasи dotsenti, fizika-matematika fanlari nomzodi Ilhom Subhonqulov ilm ortidan o'z baxtini topgan insonlardan.

# Ilm kamolga yetkazar



Ilhom Subhonqulov 1954-yilning 15-fevral kuni Toyloq tumanida tug'ildi. Otasi Baqoyev Subhonqul bobo Ikkinchahon urushi qatnashchisi va mehnat faxriysi bo'lgan. Onasi Baqoyeva Zaynab aya 12 nafar farzandni dunyoga keltirib, ularni oq yuvub - oq tarab, eldan kam qilmay tarbiyalagan 97 yoshi Zaynab aya hozir ham mahalla xotin-qizlarining maslahatgo'y, mehribon duogo'y.

Ilhom Subhonqulov 1970-yilda Toyloqdagи 38-maktabning ottin medal bilan tomonlab, shu yilning o'zida Samarqand davlat universitetining fizika fakultetiga o'qishga kirdi. Fanlarni a'lo baholarga o'zlashtirish bilan bir qatorda, ilmiy ishga layoqati borligini ham namoyon etib, ustozlar nazariga tushdi. Professor O.Quvondiqov rahbarligida kurs ishi va diplom ishlari a'lo darajada bajaril, ilmiy natijalarini talabalik davridayaq nufuzli jurnallarda chop etishga muvaffaq bo'ldi. Yosh tadqiqotchi O'rta Osiyoda yagona bo'lgan "Magnetizm labaratoriysi"ni tashkil etishda professor O.Quvondiqovga yaqindan yordam berdi.

Ilhom Subhonqulov 1986-yilda Moskva davlat universitetida nomzodlik dissertatsiyasini himoya qildi. 1988-yilden boshlab SamDUda fizika fakulteti talabalariga fizika fanning o'ziga xos jihatlarini qamrab oluvchi muhim sohalaridan nazariy va amaliy mashg'ulotlar o'ta boshlad. O'quv jarayonida faol ishtirok etib, umumiy fizika kafedrasи assistanti, katta o'qituvchisi, dotsentlari lavozimlari hozirgi kunga qadar faoliyat ko'rsatib kelmoqda.

Ilhom Subhonqulov 2004-yildan 2016-yilgacha fizika fakulteti dekanining manaviy-marifiy ishlari bo'yicha o'rinosari sıfatida ishladi.

Ilmiy faoliyati davomida nufuzli jurnallar, ilmiy to'plamlarda ikki yuzdan ortiq maqolalar chop etirgan. Shuningdek, olimning o'dan ortiq o'quv va uslubiy qo'llanmalari, monografiyalar nashr etilgan.

Butun umrini ilm-fan taraqqiyoti va yoshlar tarbiyasiga bog'ishlab kelayotgan kamtarin inson, iste'doddil olim, minglab shogirdlarning sevimiли ustozilari, Ilhom Subhonqulov bugun 70 yoshini qarshi oldi. Ustozni muborak yoshlari bilan tabriklab, kelgusi o'quv-pedagogik va jamoatchilik faoliyatiga muvafiqiyatlar tilaymiz.

**S.QURBONNIYOZOV,**  
Samarqand davlat universiteti  
jamoatchilik kengashi raisi,  
**R.RAJABOV,**  
umumiy fizika kafedrasи mudiri.

## Bojaxona nazorati: bir oyda 1 milliard 847 million so'mlik tovarlar ushlab qolingga

Bu haqda viloyat bojaxona boshqarmasi boshlig'i o'rinni bosari Anvar Muhammadiyev ishtirokida sohada amalga oshirilayotgan ishlarga bag'ishlangan matbuot anjumanida ma'lum qilindi.

Ta'kidlanishicha, 2024-yil yanvar oyi da tadbirkorlik subyektlarini qo'llab-qvvatlash maqsadida bojaxona to'lovlardan 138 milliard so'mga yaqin imtiyoz va tarif preferensiyalari qo'llanilgan. Shu bilan birga, bojaxona to'lovlarini kechiktirib to'lash tartiblari soddashtirilishi

natijsida tadbirkorlar 50 milliard so'mni miqdoridagi bojaxona to'lovlarini to'lashda ushu imkoniyatlardan foydalangan.

— Joriy yilning yanvar oyida viloyatning tashqi savdo aylanmasi 215,1 million AQSh dollarini tashkil edi, - deydi A.Muhammadiyev. Bu ko'rsatkich 2023-yilning shu davriga nisbatan 46,6 million AQSh dollariga yoki 27,7 foizga ko'paygan. Jumladan, eksport ha-

jimi 50,4 million AQSh dollarini tashkil etib, o'tgan yilga nisbatan 11,9 million AQSh dollariga yoki 30,9 foizga oshgan. Bularning barchasi keyingi paytda tadbirkorlari qo'llab-qvvatlash va biznesni rivojlantirish uchun yaratilayotgan imkoniyat va berilayotgan imtiyoz natijasidir.

Ammo bundan unumli foydalayotganlar ham yo'q emas. Xususan,

o'tgan bir oyda 110 ta huquqbazarlik holati aniqlanib, 1 milliard 847 million so'mlik tovarlar ushlab qolindi. Aniqlangan huquqbazarlik holatlari yuzasidan 13 milliard 279,3 million so'm bojaxona to'lovlarini hisoblandi.

Bundan tashqari, kontrabandaga qarshi kurashish bo'limi xodimlari tomonidan ikki holatda 27,75 gram giyohvandlik moddasi aniqlangan. Shu bilan birga, 4,9 million so'mlik 443 dona kuchli ta'sir qiluvchi moddalar, 57,8 million so'mlik 3348 quti tamaki mahsulotlari, 337,1 million so'mlik 6255 litr alkogol mahsulotlari va qiyimi 8 million so'mlik 20 dona protexnika vositali ushlab qolning.

F.FAXRIDDINOV.

REKLAMA, E'LONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'londar tezkor, samarali va hamyonbop / MUROJAAT UCHUN TELEFON: 66-233-91-56

## Qo'ziboy MAMARAIMOV



Samarqand ilmiy ja-moatchiliq og'ir judo-likkha uchradi. O'zbekistonda xizmat ko'satgan yoshlar murabbiyi, tanqli olim, jamoatchi rahbar Qo'ziboy Mamaramov 78 yoshida vaqf etdi.

Q. Mamaramov 1946-yil 12-mart kuni Payariq tumanida tug'ilgandi. O'rta maktabni bitirib, Samarqand temiryo'l transport texnikumda, so'ngra Samarqand davlat universitetining tarix fakultetida, Samarqand davlat arxitektura-qurilish instituting iqtisodiyot fakultetida tahlil olgan. Tarix yo'nalishida nomzodlik, iqtisodiyot sohasida doktorlik disertasiyalari yoqlagan va professor unvoniga ega bo'lgan edi.

Q.Mamaramov mehnat faoliyatini 1960-yilda Payariq tumanı "Payariq" davlat xo'jaligidagi ischlilikdan boshlab, bo'lim boshlig'i, yoshlar qo'mintasi kotibi vazifalarida ishlagan.

1971-yilda Samarqand viloyati yoshlar tashkilotiga ishga taklif etilgan. 1974-yilda Samarqand shahar 132-hunar texnika bilim yurtiga direktor etib tayinlangan. 1981-yildan 2013-yilga qadar Samarqand industrial texnikumi, Samarqand sanoat iqtisodiyot kolleji va Samarqand avtomobil va yo'llar kolleji direktori lavozimlari faoliyat olib borgan.

2013-yildan e'tiboran Samarqand iqtisodiyot va servis instituti

hamda Toshkent davlat iqtisodiyot universiteti Samarqand filiali professori sifatida talabalgarda saboq berdi. Shu bilan birga 2000-yildan jamoatchiilik asosida xalqaro Amir Temur xayriya jamg'armasi Samarqand viloyati bo'limi raisi lavozimida samarali faoliyat ko'rsatdi.

Q.Mamaramov qayerda bo'limasini, yuksak mas'uliyatni fidoyilik bilan ishladi, katta obro' topdi. Tajribali pedagog, olim va murabbiy sifatida bor kuchini ta'lum sifatining yaxshilanishiga yo'naltirdi, viloyat miqyosida ko'plab ma'naviyma'rifiy ishlarga bosh-qosh bo'ldi. Tarix va iqtisodiyot sohalarida kitoblar yozdi, munosib shogirdlar tayyorladi. Oilsasida, qarindosh-urug' va do'stlari o'tasida bag'rikengligi va olijanobligi, qo'li ochiqligi va hamisha yordamga shaygli bilan humrat qozondi.

Q.Mamaramovning ta'lum tizimida xizmatlari munosib taqdirlandi. U "O'zbekistonda xizmat ko'rsatgan yoshlar murabbiyi" faxriy unvoni, "O'zbekiston Respublikasi xalq ta'limi a'llochisi" nishoni va boshqa mukofotlarga munosib ko'rildi.

Olim va murabbiy Q.Mamaramovning porloq xotirasini qalbimizda abadiy saqlanadi.

**"NURONIY" JAMG'ARMASI VILOYAT BO'LI**

## DA'VOLAR BO'LSA...

Samarqand shahrida xususiy amaliyot bilan shug'ullanuvchi notarius Rahimova Komila Faxriyevna notarial idorasida marhum Narzulayeva Masturaga (2022-yil 17-iyulda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlearning Rahimova Komila Faxriyevna notarial idorasiga murojaat etishlarini so'raymiz.

**Manzil:** Samarq

↓ 14 fevral – Zahiriddin Muhammad Bobur tug‘ilgan kun

Boburiylar sulolası hukmronligi Markaziy va Janubiy Osiyo xalqları madaniyatı taraqqiyotida alohida o‘rin tutadi. Bugun Afg‘oniston, Hindiston va Pokiston mamlakatlari tarixining muhim qismi sifatida e’tirof etiladigan bu sulola tadqiqotchilar tomonidan keng o‘rganilgan. Hatto Buyuk Britaniya tarixi fanida boburshunoslik alohida tadqiqot obyekti sifatida o‘rganilgan. Xususan, Buyuk Britaniyada boburiylar ilmiy merosi bilan shug‘ullangan sharqshunos, tarixchi olim Uilyam Erskining (1773-1852) tadqiqotlari bunga misol. Shodlandiyalik katta yer egasining o‘g‘li bo‘lgan Uilyam Erskin Edinburg universitetida tahsil olib, 1803-yilda faylasuf va iqtisodchi olim Jeyms Makintoshning taklifiga ko‘ra unga shaxsiy kotib sifatida Bombaya boradi va 20 yil, ya’ni 1823-yilgacha Hindistonda yashaydi.

## Bunyodkorlik xislati qonida bor edi

Uilyam Erskin tadqiqotlarida boburiylar tarixining yoritilishi

U.Erskin Sharq tillaridan fors tilini mukammal bil-gan va temuriylar sulolası tarixini puxta o‘zlashtirgan. Tadqiqotlarda temuriylar tarixiga oid “Tabokati Akbariy”, “Tarixi Rashidiy”, “Xulosat-ul-tavorix”, “Shajarat-ul-atrok” kabi asarlarning qo‘lyozmalaridan keng foydalangan. Uning shaxsiy kutubxonasida 200 dan ortiq noyob tarixiy asarlar mavjud bo‘lganligini qayd etishadi.

Sharqshunos olim U.Erskin o‘zining “Bobur Hindistonda” asarida Hindiston tarixini uch davrga ajratadi: birinchi davr - eng qadimgi davrdan boshlab Mahmud G‘aznaviyning Hindistonni zabit etgungichaga bo‘lgan vaqtini qamrab oladi. Muallif bu davrni “Hindlar davri” deb ataladi.

Ikkinchi davr - “Ilk musulmonchilik davri” deb ataladi. Uning fikricha, bu davr Mahmud G‘aznaviy istilosidan boshlanib, ya’ni 1021-yildan Boburning Hindistonni zabit etishgachaga bo‘lgan vaqtini qamrab oladi. Muallif bu davrni “Hindlar davri” deb ataladi.

Uchinchi davr - uning fikricha “Boburning g‘olibona yurishlaridan boshlab, temuriylar saltanatinining keyingi 332 yillik davrini aks ettiradi.

Erskin Hindistonning dastlabki 2 davri tarixi yaxshi o‘rganilganligini ta’kidlab, 3-davr tarixini obyektiv yoritishni maqsad qildi. Dastlab Bobur ajdoddolari tarixini bayon etar ekan, “Tatar deb atladiqan qabilalar tarixan uchta ulkan irqa bo‘linadi va ular bir-birdan urf-odatlari, tili va turmush tarzi bilan farqlanadi” deydi. Ularni tunguslar yoki manjurular, mo‘g‘ullar va turklar deb ajratadi. Turklar son jihatidan ko‘p bo‘lib, ular ulkan hududlarni egallab olganligini quydagi-chaga bayon etadi: “Ular juda ko‘p asrлar davomida Gobi cho‘llari va g‘arbiy Mo‘g‘uliston, janubda Qashg‘ar va Pomir tog‘larigacha, Xuros, Kaspiy va Qora dengizgachaga, g‘arbda Don va Volga bo‘ylarigacha, shimolda esa Sibirgacha bo‘lgan ulkan hududlarni egallab yashaganlar”.

Mualif Boburning fazilatlarini bayon etib, undagi noyob iste‘dod va qobiliyatlarini alohida ta’kidlaydi. Boburning Samarcandni ikkinchi marta qo‘lga kiritishidagi qaltils vaziyatida o‘ta ziyraklik bilan oqilonqa yo‘l tutgанини quydagi-chaga bayon etadi: “Bobur o‘zini buyuk poytaxt taxtida ko‘rib turgan bo‘lsa ham, hali qiladigan ishlari ko‘p edi. Uning g‘animi kuchli edi, mamlakat esa tarqoq holda, uning qo‘shini juda oz edi. Xayriyat, u vaziyatni yaxshi tushunardi. Vaziyatni yaqqol ko‘rish uchun, tarafdrorlari va raqib harakatini o‘z ko‘zi bilan kuzatish uchun shahar tashqarisiga chiqib, bog‘saroya joylashdi. Yerlik aholi bu yerda uni mammuniyat bilan kutib oldi”. “Boburning aql-zakovati, oldindan ko‘ra bilish xislati uni bir daqiqa ham vaqtini boy bermay, shiddat bilan olg‘a qarab yurishga undar edi”.

Mualif Boburning jismonan baquvvatligi uning mohir sarkarda bo‘lib yetishishida asosiy omil bo‘lib xizmat qilgan, degan fikrni ilgari suradi. “Bobur baquvvat, gavdali, o‘rtalardan yuqoriroq kishi bo‘lib, jismoniy harakat talab qiladigan o‘yinlarni yaxshi ko‘rar, mernan va mohir qilinchboz edi. Juda ko‘p hollarda u shijoatini namoyish qilar va yakka-ma-yakka jangda raqibidan ustun chiqardi. Uning gavdasi shu darajada baquvvat ediki, ba‘zan har ikkala qo‘tingiga ikki kishini qisib olib, qal‘a devori ustida aylanib yurar va shu tarzda yo‘ldagi to‘siflardan o‘tdari”.

Temuriylardagi bunyodkorlik va yaratuvchanlik fazilati Mirzo Boburda ham mavjudligini bayon etar ekan, shunday deydi: “Boburning qoniga go‘zallikni va san‘at asarlari qadrash xususiyati singgan bo‘lib, ular orasida me‘morchilik va bog‘ yaratish san‘ati alohida o‘rin egallaydi”.

Boburning ijodiy faoliyati xususida ham to‘xtaladi: “Bobur turkiy musiqa ohanglar haqidagi ham risola yaratadi. Bu asar ungacha yaratilgan asarlardan ustunlik qiladi. Bobur faqatgina musiqa ishqibogiziga bo‘lib qolmay, yaxshigina bastakor ham edi”. “Boburda adabiyotshunoslik va shoirlik qobiliyatidan tashqari, Sharqda katta san‘at hisoblangan hattotlik qibiliyati ham yaxshi rivojlangan edi. Nafis husnixat egasi bo‘lgan Bobur boshqalarning husnixatiga to‘laq qilib ko‘chira olardi va hatto o‘zining alohida yozuv uslubini ham yaratdi va bu uslub uning nomi bilan ataladi”.

U.Erskining ta‘riflashicha, osiyolik shahzodalar orasida Bobur bilan barobar mavqeni egallagan shahzoda bo‘lidan. Darhaqiqat, buyuk mutafakkir shoir va olim, quadratim imperiya buyniyodkor bo‘lgan Boburning shaxsi va uning fe‘l-avori shubhasiz, ana shunday yuksak bahoga sazovor. Vatan-doshimiz Bobur va boburiylarning Hindiston tarixida tutgan o‘rnining bunday e’tirof etilishi har birimizda iftixor tuyg‘usini uyg‘otadi.

Akram AZIZQULOV,  
SamSI dotsenti.



## EY, OQILA AYOL

“Kechikkan hayot” filmi qahramonlaridan biri ayoliga qarata shunday deydi: “Men ga to‘rtta tilni biladigan ensiklopediya emas, oddiy xotin, ayol kerak!” Film qahramoni nega bunday deganini bilish uchun kinoni ko‘rishni tavsuya qillardim, albatta. Ammo shu gapning o‘zidayoq ko‘p ma‘no mujassamligini va uni chaqib olish mushkul emasligini siz ham his qilgandirsiz.

Ayolning bilimli, hunarli bo‘lishi oqishiga sazovor holat, buni hech bir bahona bilan inkor etib bo‘lmaydi. Ammo bu fazilatlar yagona xaloskor emas.

Bir oilani bilaman, chetdan qaraganda ikkisi ham o‘qimishli, ziyoli. Ammo doimiy ravishda xonardonidan janjal arimaxaydi. Qo‘ni-qo‘shnilar ham bu oildagi baqr-chaqirlarni eshitib qolar, ba‘zilari lozim topsa, nasihat qilib qo‘yar, aksariyati menqa nima, qilibda o‘z yo‘lda davom etardi. Bu oilda voyaga yetayotgan bolalar ham garchi usti but, qorni to‘q bo‘lsa-da, ammo ko‘zlarida allaqanday hadikmi, mung yashiringan bo‘lar, go‘yo ota-onasi janjalidan qo‘shnilardan uyalganday turishidagi o‘zlarini.

Bir kuni nima bo‘ldiyu, shu ayol bilan hamsuhbat bo‘lib goldim. Aytishicha, oilasida katta janjal arzimas gap-so‘zlardan kelib chiqar ekan.

- Nega ularning oldini olish uchun gapso‘zni to‘xtata qolmaysiz, axir? – so‘radim shunday suhbatlarimizning birida.

- Nega to‘xtatishim kerak, har kim o‘z xatosini bo‘lib olishi kerak-ku.

- Lekin insонни tarbiyalash juda qiyin-ku, ayniqsa, unday suhbatlar oxiri borib janjalga ulansa?

- Men haqiqatga ko‘z yumib keta olmayman-ku, bu mening tushunchalarimga zid-da.

Rostdan ham shu ayolni men bilganimdan beri o‘z tushunchalariga sodiq qoldi va bolalari ulg‘ayungda qadar oиласida janjal arimaxdi. Ikki tomon ham murosaga kelmadni. Vaholanki, shu ayolning bilmli rostdan ham ko‘pchilik havas qilgulik holatda edi. Afsuski, ish joyida ham mana shu o‘zining “tushunchalar” bilan ishlagni uchun ko‘pchilik bilan kelisholmadi. Kelisholmaganining sababini esa odamlar uni “ko‘rolmasligida” deb bildi.

Bugun jamiyatda ham, hayotda, oilda ayol kishi biligari ko‘nnikan fazilatlar bilan qadransada, amma reallikda bu masalada tobora taftovutlar ko‘zga tashlyantipla va hatto bunga ko‘nikib borayap-

miz. Bugun ayol ilgarigiday fe‘lidagi ba‘zi sarkashlik deymizmi, noqislikmi, xullas, tasavvurimizdagidagi unchaliq ijobiy bo‘lidan xislatlar yashirilmay qo‘ydi. Oldin ayol oиласидаги muammolar haqida ko‘cha-ko‘yda gapirishga iymangan bo‘lsa, bugun bu uning asosiy quroliga aylandi. Latofat, zukkolik, odob, hayo o‘rniga shartakilik, iboden ko‘ra terslik, o‘zini tutishidagi erkinlik tobora egallab bormoqda. Bunga ko‘pchilik ayolning zimmasiagi mas‘ulyiat, ijtimoiyu yuqning o‘g‘irashayotgani, hayotning o‘zi ayolning dag‘allahishiga zamin yaratayotgani haqida bong uradi. Lekin atrofimizga qarasak, aksincha emasmi? Qiyalib, turmush mustarlariga chiroliy sabr va go‘zal xulq bilan chidab, yaxshi hayotga erishayotganlar ozmunchami? Nega ular dag‘allahib qolmadni, nega ular hayot sinovlari oldida ayuhannos solib, barchaning e’tiborini qaratishga intilmadi?

- Bilasizmi, hammasi ayolning keli chiqishiyu, egallagan mansabi yoki bilimiga emas, avalo, uning zakovati, farosatiga bog‘liq, – deydi mehnat faxriysi, uzoq yillar xotin-qizlar, oila masalalar bo‘yicha rahbarlik lavozimlarida ishlab kelgan Dilbar Imomova. – Qancha olalarni ko‘rdim, ularning orasida janjal arimaxdiganlari ham bor edi, namunallari ham ko‘p edi. Qaysi birlarining muammosida erkak kishi, qaysi birinjan xotirjan emasligida ayol kishi aybor bo‘gan. Ammo uzoq yillik kuzatuvlarimdan shuni angladimki, farosati bor ayolning uyida xotijalik me‘yordida ushlab turilgan mudom. To‘g‘ri, bu bilan oilaning namunali bo‘lishida bor mas‘ulyatiyaytay zimmasiga yuklab qo‘ymoqchi emas. Albatta, oildagi xotirjamlikni asrashtida uning ustuni bo‘lmish erkak kishining roli birinchi o‘rinda bo‘lishi shart va lozim. Ammo farosat atalmish ne‘mat juda ko‘p kamchiliklarni yopib ketardim. Moddiy yetishmovchilikni ham, janjallarni ham. Bizni yoshimizdagilar yaxshi biladi, o‘sha yillari ayolning zimmasiagi mas‘ulyatiyaytib, adog‘iga yetib bo‘lmasdi. Ammo kelishmovchiliklarni bugungiday emas edi. Bugungi ayolning qancha yumushi yengil bo‘lganini ko‘pchilik ilgariga bilan solishtira olmaydi, ba‘zilari istamaydi ham. Mana, uzoqqa bormay, o‘sim ham kunduzi davlat ishlasm, kechasi yarim tungacha kir yuvardim, non pishirardin va boshqa yushmanlarni qilib olardim.

Aytmoqchimani, oilaneng totuvligi omillari juda ko‘p, ammo eng muhim farosat edan.

Gulruh MO‘MINOVA.

**Viloyat hokimligida viloyat, tuman va shahar hokimliklari mas‘ullari, tegishli boshqarma va tashkilot xodimlari hamda mahalla raislari ishtirokida tashkil etilgan seminarda shu savolga javob izlandi.**

**Buyuk allomalarimiz ilmiy merosi qanday targ‘ib qilinyapti?**



Unda Imom Buxoriy, Imom Moturidiy, Imom Terimizda xalqaro ilmiy-tadqiqot markazlari va O‘zbekistonning Islom sivilizatsiyasi markazi o‘qituvchilariga “Buyuk allomalarimiz ilmiy merosi yuksak insonparvarlik g‘oyalari tarannumi”, “Yoshlarni yet qojilarning buguz‘unchi g‘oyalardan himoya qilish” va “Yangi O‘zbekistonda diniy-ma‘rifiy sohada amalga oshirilayotgan ishlotlar” mavzularida ma‘ruzalar qildi, o‘zaro fikr almashildi.

- Ushbu anjumanni tashkil etishdan maqсад buyuk allomalarimiz ilmiy merosidagi ilm-ma‘rifat va yuksak insonparvarlik g‘oyalari xalqimizga yetkazish, - deydi Imom Buxoriy kalqaro ilmiy-tadqiqot markazi bo‘lim boshlig‘i, qur‘onshunoslik va hadisshunoslik fanlari doktori Shukrillo Umarov. - Shuningdek, davlat xizmatchilari va rahbar shaxslarning ma‘naviy-oloxiy qiyofasini rivojlantrishda buyuk ajodolarimiz ma‘naviy merosining ahamiyatini ilmiy asoslar bilan tushunirish hamda yoshlarni jaholatga qarshi ma‘rifat ruhiyada tarbiyalash ko‘zda tutilgan.

- Targ‘ibot tadbirlari viloyatdagi tashkilot, korxona va muassasa o‘ziga qarshilashda Samarcand tumani, Kattaqo‘rg‘on shahri hamda Urgut tumanida o‘tkazildi.

**MUASSIS: Samarcand viloyati hokimligi**

**Bosh muharrir: Farmon TOSHEV**

Gazeta O‘zbekiston matbuot va axborot agentligining Samarcand viloyat boshqarmasida 2024-yil 30-martda 09-01 raqam bilan ro‘yxatga olingan. Nashr 100. Indeks 438. 12 707 nusxada chop etildi. Buyurtma 85. Hajmi 2 bosma taboq, bichimi A-2

**Gazeta haftaning seshehba, payshamba va shanba kunlari chiqadi.**

**QABULXONA:** (66) 233-91-51, **REKLAMA VA E‘LONLAR:** (66) 233-91-56

**BO‘LIMLAR:** (66) 233-91-57, 233-91-58, 233-91-59, 233-91-61

**MANZILIMIZ:** 140100, Samarcand shahri, Ulug‘ Tursunov ko‘chasi, 80-uy, Matbuot uyi.

Gazeta «Zarafshon» tahririyatining kompyuter bo‘limida sahifalandi.

«Noshir lux» MCHJ

bosmaxonasida chop etildi.

**Korxona manzili:** Samarcand shahri, Spitamen ko‘chasi, 270-uy.

Bosishga topshirish vaqt:

soat 18:30 da.

Bosishga topshirildi:

soat 19:00.

**Navbatchi muharrir:**

**G‘HASANOV.**

**Navbatchi:**

**A.BAROTOV.**

**Sahifalovchi:**

**B.ABDULLAYEV.**

ISSN-201667X



Sotuvda  
narxi kelishilgan holda